

Broj: U.D-01-3.2-1698/18  
Sarajevo, 25.01.2018 godine

Na osnovu člana 70. stav (4) i 69 stav 2 pod d) Zakona o javnim nabavkama ("Službeni glasnik BiH" broj: 39/14), člana 45. Statuta "JP BH POŠTA" d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, broj: U.D-01-3.2-5233/15 od 04.03.2015. godine, te prijedloga - preporuke Komisije za nabavku: **Nabavka i instalacija kompresora** broj: 07.4-13.73-18588-22/17 od 18.01.2018.godine, Uprava Društva na svojoj 138. elektrosnoj sjednici održanoj 25.01.2018. godine, d o n o s i:

## O D L U K U

### o poništenju postupka nabavke: Nabavka i instalacija kompresora

I

**Poništava se postupak nabavke: Nabavka i instalacija kompresora**, zbog toga što niti jedna dostavljena ponuda nije prihvatljiva.

II

Ova odluka stupa na snagu danom donošenja.

## O B R A Z L O Ž E N J E

Na osnovu Rješenja Generalnog direktora o imenovanju komisije za provođenje postupka nabavke **robe: Nabavka i instalacija kompresora** broj: 01-13.73-18588-5/17 od 20.12.2017.godine i Odluke o pokretanju postupka javne nabavke **robe: Nabavka i instalacija kompresora** broj U.D.01.3.2-19574/17 od 19.12.2017.godine, Komisija je provela postupak javne nabavke, putem konkurentskog postupka sa objavljivanjem Obavještenja o nabavci, broj: 238-7-1-1-3-1/18 od 03.01.2018.godine na Portalu JN.

Javno otvaranje ponuda u postupku predmetne nabavke održano je dana 12.01.2018.godine u 10:15 sati, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda broj: 07.4-13.73-18588-21/17 koji je sastavni dio ovog Izvještaja. Zapisnik sa otvaranja ponuda je uručen prisutnom predstavniku ponuđača, a drugim ponuđačima koji su dostavili svoje ponudu je poslan istog dana.

Na Protokol Društva do roka određenog za prijem ponuda (12.01.2017.godine do 10:00sati), pristigle su ponude slijedećih ponuđača:

1. "TIMKO" d.o.o. Brčko, Plazuljska bb, 76100 Brčko Distrikt BiH
2. "ZULEX" d.o.o. Sarajevo, Safeta zajke 115b, 71000 Sarajevo
3. "ALFA-NUR Co" d.o.o. Tuzla, Obala Zmaja od Bosne 12, 75000 Tuzla

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:





**GENERALNA DIREKCIJA**

1. Da ponuda ponuđača "**TIMKO**" d.o.o. Brčko, Plazuljska bb, 76100 Brčko Distrikt BiH, sa ukupnom vrijednosti ponude, bez uračunatog PDV-a u iznosu od **17.000,00 KM**, ne ispunjava sve zahtjeve ugovornog organa definisane u tenderskoj dokumentaciji, pa je shodno tome ocijenjena **neprihvatljivom** za ugovorni organ i ne može biti predmet vrednovanja zbog sljedećih činjenica:

-Ponuđač "**TIMKO**" d.o.o. Brčko, Plazuljska bb, 76100 Brčko Distrikt BiH dostavio je ponudu u kojoj je vidljivo da je izvršio prepis iz objavljene TD - tenderske dokumentacije na Portalu JN, te da potpisan i ovjeren Aneks 5 i Aneks 6 prepisa ne odgovara originalu objavljene TD.

Aneks 5 –Pismena izjava iz člana 52 Zakona o JN se razlikuje u zadnjoj rečenici i glasi:

„Davanjem ove izjave, svjestan sam krivične odgovornosti predviđene za kazneno djelo davanje mita i druga kaznena djela protiv službene i druge odgovorne dužnosti utvrđene u Krivičnim zakonima Bosne i Hercegovine.“

A original Izjave glasi:

„Davanjem ove izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.“

**Obrazloženje:** Dakle, u dostavljenoj ovjerenj i potpisanoj izjavi Aneks 5 nije moguće ustanoviti da li je Ponuđač, odnosno ovlašten zastupnik, svjestan krivične odgovornosti za kazneno djelo „primanja“ mita.

Aneks 6 –Nacrt Ugovora o nabavci i instalaciji kompresora je takođe izmjenjen izostavljanjem tabele na zadnjoj stranici gdje je bilo potrebno navesti mjesto i datum, i potpis ovlaštenog lica ponuđača.

2. Da ponuda ponuđača „**ZULEX**“ d.o.o. Sarajevo, Safeta zajke 115b, 71000 Sarajevo, sa ukupnom vrijednosti ponude, bez uračunatog PDV-a u iznosu od **17.080,00 KM**, ne ispunjava sve zahtjeve ugovornog organa definisane u tenderskoj dokumentaciji, pa je shodno tome ocijenjena **neprihvatljivom** za ugovorni organ i ne može biti predmet vrednovanja zbog sljedećih činjenica:

- **Ponuđač „ZULEX“ d.o.o. Sarajevo** nije dostavio ponudu u skladu sa tačkom 4. Priprema ponuda tenderske dokumentacije, stav 4.2. gdje kaže: „ **Sve strane ponude moraju biti numerisane na način da je vidljiv redni broj stranice ili lista, u skladu sa članom 8. st. (6) i (7) Uputstva za pripremu modela tenderske dokumentacije i ponuda.** Ako ponuda sadrži štampanu literaturu, brošure, kataloge i sl. koji su izvorno numerisani, onda se ti dijelovi ponude ne moraju numerisati dodatno.“, **odnosno nije svoju ponudu numerisao na način opisan prednjim navodima već je numerisao pojedine stranice na način kojim narušava kontinuitet.**

Takođe, Ponuđač „**ZULEX**“ d.o.o. Sarajevo kao kontakt osobu i potpisnika priloženih Izjava i to : Aneks 3, Aneks 4, Aneks 5 i Aneks 8, ima za osobu g.din. Adnan Kajtanović dipl.ing.maš gdje niti u dostavljenom Rješenju o Izmjenama podataka broj: 065-0-Reg-16-000945 od 29.04.2016 godine, niti bilo kojim drugim dokumentom dokazuje pravo Zastupanja Ponuđača. **Odnosno nije u svojoj ponudi dostavio ovlaštenje za naprijed navedeno lice.**

3. Da ponuda **ALFA-NUR Co**“ d.o.o. Tuzla, Obala Zmaja od Bosne 12, 75000 Tuzla, sa ukupnom vrijednosti ponude, bez uračunatog PDV-a u iznosu od **17.000,00 KM**, ne ispunjava sve zahtjeve ugovornog organa definisane u tenderskoj dokumentaciji, pa je shodno tome ocijenjena **neprihvatljivom** za ugovorni organ i ne može biti predmet vrednovanja zbog sljedećih činjenica





**GENERALNA DIREKCIJA**  
- Ponuda ponuđača **ALFA-NUR Co** d.o.o. Tuzla sadrži svu potrebnu i traženu dokumentaciju, osim što iz dostavljene dokumentacije nije bilo jasno vidljivo da su predmet izvršenih ugovora u 2016.godini nabavka i instalacija kompresora a što je bio uslov iz tačke **2 „USLOVI ZA UČEŠĆE I POTREBNI DOKAZI“ tačka 2.2 stav h1) tenderske dokumentacije**, već je samo navedeno da je predmet izvršenih ugovora „Popravka kompresora i duvaljki“ čime nije zadovoljen uslov iz tenderske dokumentacije dostavljanje dokaza o uspješno realizovanim Ugovorima predmeta ove nabavke.

Obzirom da niti jedna od dostavljenih Ponuda nije prihvatljiva, a cijeneći član 69. stav 2 pod d) Zakona o javnim nabavkama donesena je odluka kao u dispozitivu.

**PRAVNA POUKA:** Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama.

**GENERALNI DIREKTOR**\_\_\_\_\_  
**mr.sci. Mirsad Mujić**

Dostaviti:

- Glavni poštanski centar (Nosilac posla)
- Služba marketing ( za objavu)
- Sektor za EKF poslove
- Odjeljenje za Javne nabavke
- Ponuđačima putem Odjeljenja za javne nabavke
- a/a




"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. **4200682210005**; PDV br. **200682210005**; Porezni br. **01079729**

kontakt centar

 **1312**

www.posta.ba